

Kalaalit Nuunaat
Isumanngaaqut
Inatsisitigut
Isumanngaaqut
Isumanngaaqut

ADVOKATSAMFUNDET politikkikkut arlaannaanulluunniit attuumassuteqarani, innuttaasut inatsisitigut isumannaatsumik illosomeqarnissaat, eqqartuussiveqarnerullu ingerlalluarnissaa sulissutigaat. Nunami inatsisilerituut nakkutigaagut, taamaaliorntsigullu inatsisilerituut kiffaanngissuseqarlutillu, tatiginassutsimikkut innarlerneqannginnissaat qulakkeerniarlutigu.

Eqqartuussuserisut siunnersuisoqatigiit Advokatsamfundet-imi siulersuisuupput, tassaallutik eqqartuussissuserisut 15-it nunami tamarmeersut.

Eqqarsuussuserisut siunnersuisoqatigiit Kalaallit Nunaanni suliniutaat Dreyers Fond-imit taperserneqarpooq.

dreyersfond

KALAALLIT NUNAANNI INATSISITIGUT ISUMANNAASSUSEQ

– Eqqarsuussissuserisut siunnersuisoqatigiit

Ilusilersuisut: **Naqinneqarnera:** **Amerlassusai:**

ESSENSEN.COM Jørn Thomsen, Elbo A/S 250 stk.

Nalunaarut uani aajuk Advokatsamfundet.dk



ADVOKATSAMFUNDET
RETSSIKKERHED · UAFHÆNGIGHED · INTEGRITET

IMAI

I	SIULEOUT	4
II	INNERSUUSSUTIT	6
	Eqqartuussiviit	6
	Illersuisut	9
	Politiit	12
	Pinerluttunik isumaginnittooqarfik	13
	Pinerluuteqarsimasut pineqaatissinneqartarnerat	14
	Inatsisit inatsisinillu atuutsitsineq	15

SIULEQUT

Ukiut qulingajaat Kalaallit Nunaanni Eqqartuussiveqarnermut Ataatsimiititaliarsuaq sulereerluni 2004-mi isumaliutissiissutini Kalaallit Nunaanni eqqartuussiveqarnerup iluani arlalinnik allannguutissanik innersuussutitalik tunniuppa. Isumaliutissiissut tunngavigalugit, eqqartuussiveqarnerup iluani malunnaatilinnik allannguisoqarsimavoq, taakkununnga ilaallutik Kalaallit Nunaanni suliassat isumagineqartarnerannut inatsit aamma pinerluttulerinermut inatsit. Inatsisit atuutilerput 2010-mi.

Kalaallit Nunaanni Eqqartuussiveqarnermut Ataatsimiititaliarsuup isumaliutissiissusiornerata kingorna, Eqqartuussissuserisut Siunnersuisoqatigiiit suleqatigiiissitaliorsimapput, eqqartuussiveqarnerup iluani inatsisitigut isumannaassuseq "qanoq inissisimanersoq", ataatsimiititaliarsuullu innersuussutai inatsisitigut kinguneqartinneqarsimanersut misissorniarlugit.

Suleqatigiiisitap Kalaallit Nunaanni eqqartuussiveqarnerup iluani, inatsisitigut isumannaatsumik ingerlaniarnermi unammilligassat suuneri paasiniartussaavai, immikkut Kalaallit Nunaanni inatsisilerituunit, pisortanit, kattuffinnillu peqataatitsilluni. Aammattaaq suleqatigiiisitap inatsisitigut isumannaatsumik ingerlaniarnermi unammilligassat qanoq iliorluni aaqqiivigineqarsinnaanersut innersuusuteqarfigisussaavai.

SULEQATIGIISITAMI ILASORTAASIMASUT

- **Inatsisileritoaq Martin Lavesen, Eqqartuussissuserisut Siunnersuisoqatigivini ilaasortaq.**
- **Inatsisileritoaq Iben Winsløw, Eqqartuussissuserisut Siunnersuisoqatigiviini ilaasortaq**
- **Inatsisileritoaq Jens Klokhøj, Eqqartuussissuserisut Siunnersuisoqatigiviini ilaasortaq**
- **Inatsisileritoaq Peter Schriver, Nuuk**
- **Monitoreringschef Christoffer Badse, Inuit pisinnaatitaaffii pillugit instituti**
- **Allattaaneq Torben Jensen, Advokatsamfundet**
- **Immikkoortortami pisortaq Nicolai Pii, Advokatsamfundet**

Suleqatigiiisitap nalunaarusiapi uuma suliarinerani piffissami april-september 2016 pisortat, kattuffiit, inuillu makku ataatsimeeqatigisimavai:

Kalaallit Nunaanni Eqqartuussisarnermi Siunnersuisoqatigiiit, Kalaallit Nunaanni Politiit, Pinngortitamut, Avatangiisnut, Inatsiseqanermullu Pisortaqarfik, Kalaallit Nunaanni pinerluuteqarsimasunik isumaginnittooqarfik, Inatsisitigut Ikorsiisarfik Imminut Pigisoq IKIU, Eqqaartuussisut peqatigiiffiat, Inatsisartut Ombudsmandiat, Inuit Pisinnaatitaaffiinut Kalaallit Nunaata Siunnersuisoqatigivi, Inatsisartut Inatsiseqarnermut Ataatsimiititaat, Kalaallit Nunaata Eqqartuussivia, Kalaallit Nunaanni Eqqartuussivii, Kalaallit Nunaanni inatsisilerituut, Domstolsstyrelsi, Justitsministeriap Atlantikup avannaanut immikkoortortaa, Herstedvesterimi par-

naarussivik, MF Aaja Chemnitz Larsen (IA), MF Aleqa Hammond (UFG), Immikkut siunnersorti Anders Jørgensen (Inatsisartut Ombudsmandianut inatsiseqarnermut pisortaasimasoq), kalaaleq Herstedvesterimi paarnaarussivimmiittooq, inatsisileritoog Thomas Trier Hansen (Kalaallit Nunaanni eqqartuussisuusimasoq) kiisalu inatsisilerittoq Finn Meinel, Kalaallit Nunaanni eqqartuussiviit suleqatigalugit, illersuisut akuerisat ilinniartitaaneranik isumaginnittooq.

Suleqatigiisitaq attuumassuteqartunit tamanit ilassilluarneqarsimavoq, peqataasunillu ammasumik kinguneqarluartumillu oqaloqateqartarsimalluni.

Nalunaarutip suliarinerani suleqatigiisitap siunniussimavaa, atuartup Kalaallit Nunaanni eqqartuussiveqarnerup aaqqissuussaanera, tassungalu killiliussaasut ilisimasaqarfigissagai. Tamatuma eqqortumik allaaserineqarnera, ilaatigut Eqqartuussiveqarnermut Ataatsimiitaliarsuup isumaliutissiissutaani (isumaliutissiissut 1442/2004) aamma Flemming Balvigip suliaa ‘Pinerluttarneq aamma naapertuiluarnermik ilisimasaqarneq – Kalaallit Nunaanni’ (2015).

Inuinnarnik eqqartuussisoqarneq inatsisitigut isumannaatsumik illersorneqarsinnaasumillu ingerlassappat, taava sulinermi killiliussat ersarilluinnartariaqarput.

|| INNERSUUSSUTIT

Suleqatigiisitap paasissutissat, misilitakkat, isummersuutillu, attuumassuteqar-
tut ataatsimeeqatignerannit saqqummersut tunngavigalugit, eqqartuussiveqar-
nerup iluani immikkoortoranut assiginngitsunut tunngasunik innersuussutinik
arlalinnik suliaqarpoq.

Suleqatigiisitap innersuussutit suliarineranni immikkut eqqumaffigisimavaa, Ka-
laallit Nunaanni eqqartuussiveqarnerup iluani, oqaatsitigut, kulturikkut, nunallu
sananeqaataa eqqarsaatigalugit, Qallunaat Nunaannut naleqqiullugit allaaneru-
jussuuner. Taamaammat suleqatigiisitap Kalaallit Nunaanni eqqartuussiveqar-
nerup Danmarkimi eqqartuussiveqarnermut sanilliunnaveersaarnissa eqquma-
niarfigisimavaa, kiisalu innersuussuteqarnermi Kalaallit Nunaanni inuiaqatigiit,
eqqartuussiveqarnerullu immikkullarissuuneri isiginiarluarsimallugit.

EQQARTUUSSIIVIT

Kalaallit Nunaanni eqqartuussiviup ilisarnaatigaa, eqqartuussiviit siullermik
– eqqartuussisoqarfii – inuinnarnik eqqartuussisoqarmata. Tassa imappaq,
eqqartuussisut inatsisilerituujunngillat, eqqartuussisoqarfimmilu suleqataasut
tamarmik aamma inatsisilerituujunatik, tassalu pinerluttulerinermi suliaqarnermi,
unnerluussisoq, illersuisorlu, inuinnaallu saqitsaassutaanik suliaqarnermi sinni-
suusut aamma nalinginnaasumik inatsisilerituujussanatik.

Inuinnarnik eqqartuussisoqarnermi, eqqartuussiviit isumannaatsuunissaasa,
inuiaqatigiillu imminnut qaninnerisa oqimaaqatigiisinnissaat, Kalaallit Nunaanni
suliassat isumagineqarterneranni pingaaruteqartarsimavoq. Imminut qaninnerup
iluaqutissartarai, eqqartuussiviit, taakkunanilu suliaqartut sumiiffinni pineqartuni
najuuttarneri, Kalaallit Nunaannilu pissutsinik immikkut ilisimasaqarnerat, taak-
kununnga ilaallutik kalaallit oqaasii kulturiallu.

Suleqatigiisitaq isumaqarpoq, inuinnarnik eqqartuussisoqartarneq Kalaallit Nu-
naanni arlalinnik iluaqutissartaqartoq, innuttaasut ikittunnguit nunarujussuarmi
siammaseqalutik inissisimatillugit, kiisalu oqaatsitigut, kulturikkullu taama as-
sigiinngitsigisoqartillugu.

Inuinnarnik eqqartuussisoqarneq isumannaatsumik inatsisitigut illersorneqarsin-naassappat, taava tassani killiliussat ersareqqinnaartariaqarput.

Suleqatigiisitap attuumassuteqartut ataatsimeeqatigineranni, arlallit tikkuarpaat, eqqartuussisut arlalinnik pikkorissortaqartut, kisiannili ilisimasat, eqqartuussivinilu suliat ingerlanneqartareranni piffissat naammaginanngitsut. Tamatumuuna pissutaatinneqarpoq ilaatigut eqqartuussisut pikkorissut pissarsiariinarnerisa pigiinnariarnerisalu ajornakusoortarerat, isumasioqatissaaleqisarnerat, ulapineq, inuttassaaleqinerlu. Soorlu assersuutigalugu upernaaq 2016 Sermersuup Eqqartuussisoqarfiani eqqartuussisut marluinnaat atorfearput tallimaasussaa-galuarlutik. Tamannalu ilutigalugu eqqartuussisutut ilinniartut Kalaallit Nunaat tamakkerlugu marluinnaallutik.

Taama inissisimasoqarnerata kinguneraa, ukiut ingerlanerini eqqartuussisoqarfinni sisamaasuni, suliassat uninngaannartut amerligaluttuinnarsimaneri, taakkulu aatsaat danskit eqqartuussisoqarfiiinit immikkut ikiortilluni ikilisarneqarsinnaasi-mallutik. Kingunerisaa alla tassaavoq, unnerluussisut, suliani arlalinni eqqarsuu-sisoqarfinni aalajangerneqarsimasut suliareqqitassatut ingerlateqqittariaqartar-simamatigit sakkukilliseqqullugit, soorlu pineqaatissiissut pinerluttulerinerimi inatsimmut imaluunniit suleriaatsimut naapertutinngippat, aammattaaq attuumassuteqartut maluginiarpaat, eqqartuussisoqarfiiit aalajangigaat, Nunatta eqqartuussivianut ingerlateqqinneqaraangamik allanngortinneqartartut imaluunniit utertiinnarneqartartut aalajangiiniarnermi tunngavissat amigarineqarlutik.

Suleqatigiisitaq isumaqarpoq, tamanna assut eqqarsarnartoqartoq, aamma maanna Kalaallit Nunaanni eqqartuussiveqarnerup iluani malunnaatilimmik allann-guisoqartariaqartoq, inatsisitigut isumannaatsumik illersorneqarsinnaasumillu, ullumikkutut inuinnarnik eqqartuussisoqartarneq ingerlaannassappat.

Tamanna tunngavigalugu suleqatigiisitaq isumaqarpoq, Kalaallit Nunaanni eqqartuussisoqarfiiit ataatsimoortilernissaat assut orniginartoq, maanna sisamaasut ataatsimoortillugit ataasiinnanngortillugit, eqqartuussisullu ataatsimoortilerlu-git, eqqartuussisoqartillugulu eqqartuussinerit sumiifinni allani ingerlanneqarsin-naatillugit, soorlu videokonference atorlugu ingerlanneqarsinnaanngikkaangata. Suleqatigiisitap isumaa malillugu, taamatut ataatsimoortitsilernikkut ilisimasat nukittorsarneqassapput, eqqartuussisoqarfiiit aalajangiisarnerat pitsanngussaaq, aammalut eqqartuussisunik pissarsiniarneq, taakkulu pigiinnarnisai ajornanngin-nerulissaq. Tamanna ilutigalugu suliat eqaannerusumik ingerlanneqartalissap-put, taamaalillunilu suliaqarsinnaasut amerlangikkaluartut atorluarneqarnerulis-sallutik. Aammattaaq ungasissumi inissisimagaluaraanniluunniit, qitiusumiilluni sumiifinnut qanittutut misigisimaneq attatiinnarneqarsinnaassaaq, eqqartuussisut Kalaallit Nunaanni pissutsinik, oqaatsinillu ilisimasaqarnerat pissutaalluni, tamatumani naatsorsuutigineqarlni sapinngisamik Kalaallit Nunaanni sumiiffin-nit tamaneersunik eqqartuussisunik sulisoqalernissaq.

EQQARTUUSSISUT SIUNNERSUISOQATIGIIT SULEQATIGIISITAASA INNER-SUSSUTIGAAT:

- Sapinnigisamik piaartumik maanna eqqartuussiveqarnerup aaqqissuussaa-nera nalilersorneqassasoq, inatsisitigut isumannaatsumik ingerlanissaq siunertaralugu, maannalu eqqartuussisoqarfiiit sisamaasut, ataatsimoortil-lugit ataasinngortinnissaat iluaqutaassannginnersoq, taamaalillutik eqqar-tuussisoqarfiiit ilisimasatigut, piginnaasatigut, sulisussaqarniarnikkullu nu-kittorsarneqarsinnaaniassammata.
- Inuit saqitsaassutaannit suliassat uninngaannartut amerligaluttuinnarneri akiorniarlugit, suliassat eqqartuussisoqarfinniit Kalaallit Nunaata Eqqartuu-sivianut ingerlanneqarsimasut, tassaniigginnaassasut, 2017-imni nalilers-ereernerup tungaanut. Inuit saqitsaassutaannit suliassat assigiinngeqaat, inatsisillu assigiinngitsut attorneqakkajuttarput, taamaammallu inatsisinik ilinniagalimmik eqqartuussisoqarluni suliarisariaqarlutik. Inuit saqitsaas-sutaanik suliani, pinerluttuliornermi sulianisulli, inuinnarnik eqqartuus-sisoqartarnissaq pisariaqarpasinngilaq, ilaatigut inuit saqitsaassutaannik suliaqarnermi sumiiffinniinnissaq pingaruteqarpallaanngimmat.
- Kalaallit Nunaanni Eqqartuussivik nukittorsartariaqarpoq, eqqartuussisoqar-finnik ilitsersuisussaanini piviusunngortinniarlugu, tak. ataani innersuussu-tigineqartut.
- Eqqartuussisoqarfinni eqqartuussisunut killiliussat pitsanngorsarneqas-sasut, taakkunani eqqartuussisunik piginnaasaqarnerusunik peqalernissaq, atorfinititsiniarnissarlu ajornannginneruleqqullugu.

Suleqatigiisitap ilisimavaa Kalaallit Nunaanni eqqartuussivinni qarasaasiat qan-ganitsersimasut, aammalu ilaatigut danskit eqqartuussisoqarfiinut attaveqarsin-naanngitsut. Tamatuma kingunerisarpaa, ilaatigut statistikkimik suliaqarnermut atatillugu, suliat takkussuuttiunnaat, suliallu naammassineqarsimasut, aammalu suliat assigiinngitsut suuneri apeqqutaatillugit, suliarineqartarnerisa sivisussusaan-nik nalunaarsuisarnerit taamaallat allattorneqartarneri. Taamatullu suliaqarner-mi nutaalialaunerusumik statistikkiliorsinnaaneq, sulianik aqutsinermi, upalungaar-simanermi, allanillu aqutsinermi atortunik nutaalialasunik atuinissaq ajornarluni. Aammattaaq suleqatigiisitamit paasineqarpoq, Kalaallit Nunaanni eqqartuussivit aalajangersagaat, Danmarkimi pilersinneqartumut eqqartuussivit ataatsimoorus-samik qarasaasiaqarfianut ingerlateqqinnejqarsinnaanngitsut.

Suleqatigiisitap aamma sulinermini maluginiarsimavaa, - eqqartuussisoqarfnni, Kalaallit Nunaanni Eqqartuussivimmi, Nunattalu Eqqaartuussisuuneqarfiani -eqqartuussisut allaffissornikkut suliassarpassuaqartartut. Suleqatigiisitap ta-kusimavaa, Kalaallit Nunaanni eqqartuussisoqarfnni assigiinngitsuni eqqartuu-sisut ikittunnguusarneri pissutigalugit, suliat aalajangersimasut ingerlanniarnerat annertuumik arriillisarnejqarsinnaasartoq.

**EQQARTUUSSISUSERISUT SIUNNERSUISOQATIGIIT SULEQATIGIISITAATA
INNERSUUSSUTIGAA:**

- Kalaallit Nunaanni Eqqartuussiviit qarasaasiatigut atortuisa nutarternissaannut piaartumik aningaasaliisoqassasoq, taamaalillutik qarasaasiat danskit eqqartuussiviisa qarasaasiaannut assingusunngorlugit.
- Kalaallit Nunaanni Eqqartuussivinnut allaffisornikkut sulisut, nutserisut, eqqartuussisullu amerlanerusut pigineqalernissaannut aningaasaliisoqassasoq, taamaalillutik eqqartuussisut tunngaviusumik suliassatik sulariniasamatigit, tassalu inatsisinik suliaqarneq.
- Kalaallit Nunaanni Eqqartuussivik eqqartuussisumik ataatsimik ilaneqassasoq. Suleqatigiisitap iluaralugu maluginiarpaa, Kalaallit Nunaanni Eqqartuussivik allaffissornikkut pisortamik pissarsiortoq, kisianni suleqatigiisitaq isumaqpoq, Kalaallit Nunaanni Eqqaartuussivik eqqartuussisunik marlunnik pisariaqartitsisoq, eqqartuussinermik, eqqartuussisoqarfinnullu ilitser-suinermik pisussaaffimmik piviusunngortitsisoqassappat.
- Danskit eqqartuussiviit inatsisilerituunik eqqartuussisunik aalajangersimasunik – ajornanngippat Kalaallit Nunaanni eqqartuussiveqarnermik ilisimasaqareersunik aalajangersimasunik toqqaasoqassasoq – ulapput-toqartillugu eqqartuussinerit ingerlanneqarneranni eqqartuussisoqarfinnik, Kalaallit Nunaanni Eqqartuussivimmik, Nunattalu Eqqaartuussisuuneqarfianik ikuuisinnaasunik.

ILLERSUISUT

Kalaallit Nunaanni pinerluttulerinermi illersuisutut suliassat inatsisilerituunit, aammalu illersuisunit akuerisaasunit amerlanerpaartaat inatsisilerituutut ilin-niarsimangitsunit, suliffiup saniatigut illersuisutut sivikitsumik ilinniarsimasunit ingerlanneqarluni.

Eqqartuussiveqarnermut ataatsimiitaliarsuup 2004-mi isumaliutissiissutimini siunnersuutigaa, "illersuisoqarneq sapinngisamik piaartumik nukittorsarneqassasoq, nuna tamakkerlugu pisortatigoortumik imaluunniit namminersorluni illersuisumik atorfinititsinikkut, taassuma isumagissavaa pitsaasumik illersuinisaq, kisalu illersuisunik ilinniartitsineq siunnersuinerlu", taamaalillutik illersuisut piginnaasaat unnerluussisunut naleqqersuussinnaaniassammata. Kalaallit Nunaanni inatsisitigut isumannaassuseq pillugu inatsimmi 2010-mi atuutilersumi, justitsministeriaqarfik piginnaatinneqarpoq nuna tamakkerlugu illersuisumik toqqaaqqullugu, tamannalu suli piviusunngortinneqanngilaq.

Suleqatigiisitap attuumassuteqartunik ataatsimeeqateqartarnermini, maluginiar-simavaa illersuisut akuerisaasut piginnaasaat, taakkulu sulinerminni atugarisaat assut isornartorsiorneqartartut. Tassunga atatillugu tikkuarneqartut arlaqarput, tassunga ilaalluni nuna tamakkerlugu illersuisoqannginnera, ilinniartitsinissamut aningaasassaqannginneq, inatsisit piniarnerisa ajornakusoorneri (allaaserineqartoq uani 'Inatsisiliorneq, inatsisillu najoqqutassat') aammalu illersuisuunerup saniatigooriinnarlugu atorfigineqarnera. Aammattaaq attuumassuteqartut arlallit tikkuarpaat, illersuisunik akuerisaasunik pitsaasumik nakkutiginninneq amigaate-qartoq.

Tamanna tunngavigalugu attuumassuteqartut arlallit tikkuarpaat, ullumikkut Kalaallit Nunaanni pinerluttulerinerup iluani, pitsaasumik illersorneqarnissamik inuit piginnaatitaaffii eqqortinneqartarnersut, aamma "equality of arms" (suliap ingerlannerani illersuisut, unnerluussisullu naligiimmik inissisimanissaat) illersuisut akuerisaasut sulinerminni atugarisaat naleqqunnersut. Tassunga sanilliullugu unnerluussisut aallartitaat – amerlanertigut politiitut atorfilik - unnerluussinermi pisortat inatsisitigut atortussaat, taassumalu iluani ilisimasarpassuit katersat tunuliaqtassarisarlugit.

EQQARTUUSSISUSERISUT SIUNNERSUISOQATIGIIT SULEQATIGIISITAATA INNERSUUSSUTIGAA:

- Piaartumik nuna tamakkerlugu illersuisussamik toqqaasoqassasoq, illersuisunik ilinniartitsillunilu, siunnersuisussamik. Tassunga ilanngullugu suleqatigiisitap innersuussutigaa, nuna tamakkerlugu illersuisup aamma illersuisut akuerisat nakkutigisassarissagai.
- Illersuisunut atugassarititaasut, tassunga ilanngullugu illersuisunik akuerisanik ilinniartitsineq, pitsanngorsarneqassasoq, illersuisut piginnaasai qaffassarniarlugit. Tassunga atatillugu suleqatigiisitap iluarismaarpaa Jus-titsministeriaqarfiup, illersuisunik ilinniartitsinermut nalunaarut tusarnia-assutigimmagu.
- Illersuisutut atorfiup pitsaanerusumik inissisimalernissaa, saniatigooralugu atorfigiinnarnagu, ajornanngippalli ilivitsumik atorfittut atuutsilerlugu.
- Soorlu Kalaallit Nunaanni suliassat isumagineqartarnerannut inatsimmi al-lassimasoq, pinerluttulerinermk sulianut atatillugu eqqartuussisoqarfiup siullermik illersuisoq akuerisaasoq, inatsisilerituujunngitsoq illersuisuutit-tussaavaa. Suleqatigiisitap nalilerpaa – ilaatigut periuseq 'equality of arms' – inatsisitigut isumannaatsumik ingerlatsiniarnermi eqqarsarnartoqartoq, aammalu sumiiffit imminut qanittutut inissisimanerat patsisigineqarsinna-nngitsoq, sumiiffinni pineqartuni inatsisileritooqartinnagu, inatsisilerituullu kalaallisut oqaaseqartuunngippata.

Soorlu Kalaallit Nunaanni suliassat isumagineqartarnerannut inatsimmi allassimasoq, pinerluttulerinermik sulianut atatillugu eqqartuussisoqarfup siullermik illersuisoq akuerisaasoq, inatsisilerituujunngitsoq illersuisuutittussaavaa. Suleqatigiisitap nalilerpaa – ilaatigut periuseq ‘equality of arms’ – inatsisitigut isuman-naatsumik ingerlatsiniarnermi eqqarsarnartoqartoq, aammalu sumiiffiit imminut qanittutut inissisimanerat patsisigineqarsinnaanngitsoq, sumiiffinni pineqartuni inatsisileritoqartinnagu, inatsisilerituullu kalaallisut oqaaseqartuunngippata.

Kalaallit Nunaanni suliassat isumagineqarnerannut inatsimmi § 322, stk. 2,-mi allassimavoq, eqqartuussisoqarfinni suliaq pinartuutillugu illersuisut akuerisat atornagit, inatsisileritooq illersuisussanngortinneqassasoq, illersuiniarnermi tamanna pisariaqarpat. Suliassat isumagineqarnerannut inatsimmi § 327-imi taa-matulli eqqartuussivii avataaniit siunnersortimik atuisoqarsinnaavoq – eqqartuu-ssisulerisumik imaluunniit inatsisilerituumik – illersuisup akuerisaasup tamanna pisariaqartippagu. Suleqatigiisitap paasisimavaa, tamakku aalajangersakkat ator-neqartanngitsut, tamannalu assut eqqarsarnartoqartippaat, matumani inoqarmat suliassat isumagineqarnerannut inatsimmi piumasagaataasut malillugit illersor-neqanngitsunik.

EQQARTUUSSISUSERISUT SIUNNERSUISOQATIGIIT SULEQATIGIISITAATA INNERSUUSSUTIGAA:

- Kalaallit Nunaanni suliassat isumagineqarnerannut inatsit allanngortinne-qassasoq ima, pinerluttulerinermik suliani sumiiffinni inatsisileritoqartil-lugu, inatsisilerituut atorneqartassasut – tassalu imaappoq annermik Nu-ummi
- Kalaallit Nunaanni Eqqartuussivik misissuisitsissasoq, suna pissutigalugu suliassat isumagineqarnerannut inatsisimmi § 322, stk. 2, aamma § 327, ator-neqarneq ajornersut, aamma siunissaq eqqarsaatigalugu siunertarineqartut malillugit atorneqalernissaannut aaqqiissutissanik nassaassasoq.

POLITIIT

Attuumassuteqartut ilaasa tikkuarsimavaat, Kalaallit Nunaat tamakkerlugu politiitut oqartussaaffilinnik – politiitut atorfilinnik imaluunniit kommunefogedenik peqannginnera. 2016-imi januarimi nunaqarfinni 52-iusuni kommunefogedit 15-it amigaataapput. Oqaatigineqarsimavoq kommunefogedinik atorfinitsitsinarneq ajornakusoortoq, atorfininnermi atugassarititaasut pitsaannginneri pissutigalugit.

Kalaallit Nunaanni inunnut ulorianaatilimmik pinerluttarnerit, nunanut allanut sanilliullugit amerlaneroqaat, taamaammat suleqatigiisitaq isumaqarpoq, sapinngisamik Kalaallit Nunaanni inuiaqatigiinni sumiiffinni tamani – aamma nunaqarfinni mikisuni avinngarusimasuni – politiitut oqartussaassusilinnik peqas-sasoq, taamaalillutik inuit pinerluffigineqartut unnerluutiginnissinnaaqqullugit, sukkasuumillu ikiorneqarsinnaaqqullugit. Ingammik soorlu pinerluffigineqartoq, pinerluttoorluunniit ilaquaasimappat.

EQQARTUUSSISUSERISUT SIUNNERSUISOQATIGIIT SULEQATIGIISITAATA INNERSUUSSUTIGAA:

- Kalaallit Nunaanni illoqarfinni, nunaqarfinnilu tamani politiitut oqartussaaseqartumik peqarnissaa qulakkeerneqassasoq – ilaatigut atorfinitsitsinermi atugassarititaasut pitsanngorsarneratigut, tassani ilaallutik kommunefodegit akissarsiaqarnerannut tunngasut.

**Suleqatigiisitap assut eqqarsarnartoqartippaa
Kalaallit Nunaanni isertitsiviit ammasuunnginneri, naak tamanna Eqqartuussiveqarnerermut
Ataatsimiititaliarsuup isumaliutissiissutaani
piumasarineqaraluartoq.**

PINERLUTTUNIK ISUMAGINNITTOQARFIK

Suleqatigiisitaq isumaqarpoq Eqqartuussiveqarnermut ataatsimiititaliarsuup isumaliutissiissutaani oqariartuutasut akerlianik erseqqissumik pisoqartoq, tassa Kalaallit Nunaanni pinerluuteqarsimasunut inissiisarfii, paarnaarussivit-tut matoqqasutut atorneqaraluttuinnarlutik, matui parnaaqqallutik, ungerutissiat kapinartullit takussaallutik aammalu inuiaqatigiinnut avatangiisinut killilerujus-suarmik attaveqarlutik. Taama ineriertortoqarnerannut patsisaarpasippoq, piner-luuteqarsimasunut inissiisarfii pisortaasa isumannaallisaaneq pitsaanerusoq il.il. inissiissarfutiminni qulakkeerummassuk, ilaatigut "inissinneqartartut sakkor-tuut" amerligaluttuinnarneri pissutigalugit.

Suleqatigiisitap ilisimavaa, Pinerluttunik isumaginnittoqarfik 2015-imi ukiakkut 'Oqaaseqaat Kalaallit Nunaanni inissiisarfii ammasut qanoq innerat' pillugu su-liaqarsimasoq, tassanilu Kalaallit Nunaanni inissiisarfik aammasoq qanoq illutaa ittuusariaqarnersoq, qanorlu atorneqarsinnaasariaqarnersoq allaaserineqarluni.

Suleqatigiisitap eqqarsarnartoqartilluinnarpaa, Kalaallit Nunaanni inissiisarfii ammasuunnginneri, naak tamanna Eqqartuussiveqarnermut ataatsimiititaliar-suup isumaliutissiissutimini pisariaqartutut isigigaluaraa, aammalu taama eqqar-tuussiveqarnerup iluani isumaqartoqaraluartoq.

EQQARTUSSISUT SIUNNERSUISOQATIGIIT SULEQATIGIISITAASA INNER-SUSSUTIGAAT:

- **Pinerluttunik isumaginnittoqarfiu sapinngisamik piaartumik inissiisarfii ingerlariaasiat allanngortissagaat, uani "Oqaaseqaat Kalaallit Nunaanni inis-siissarfii ammasut qanoq innerat" oqaatigineqartut malillugit.**

Maanna Nuummi Kalaallit Nunaanni inissiisarfii matoqqasut siullersaat sanane-qarpoq. Naatsorsuutigineqarporlu inissiisarfissaq 2018-imi upernaakkut atuler-nissaminut piariissasoq. Suleqatigiisitap iluarismaarpaa Kalaallit Nunaata nam-mineq matoqqasumik inissiisarfittaalernera, taamaalillutik kalaallit siunissami Kalaallit Nunaannut inissinneqartalissammata, Danmarkimi paarnaarussivimmuit Herstedvesterimut pinnatik.

Suleqatigiisitalli immikkut erseqqissaatigerusuppa killiligaanngitsumik pineqa-atissinneqarsimasut immikkut suliassasaarmata, ingammik tarnimikkut nakor-sarneqartariaqartarlutik. Herstedvesterimi paarnaarussivimmui ullumikut arlalinnik katsorsarneqarnissamut neqeroorutinik peqartarpoq, taakkulu ilaatigut paarna-arussivimmui peqqinnissamut tunngasunik suliaqartunit, imaluunniit avataaniit siunnersortinit sulisitsinikkut isumagineqartartunik.

Kalaallit Nunaanni peqqinnissaqarfiup iluani tarnip nappaataannut nakorsanik il.il. atorfinititsiniarneq ajornakusoortarpoq. Tamanna tunngavigalugu ilimagine-qarsinnaavoq katsorsaasarnissap neqeroorutiginiarnerani, tarnip nappaataannut

nakorsanik atorfinititsiniartarnissaq ajornakusuussaqisoq, naak Kalaallit Nunaanni killeqanngitsumik pineqaatissinnejarsimasunik imminut illorsorsinnaasumik katsorsaaniaraanni, taakku pisariaqavissut.

EQQARTUUSSISUSERISUT SIUNNERSUISOOQATIGIIT SULEQATIGIISITAATA INNERSUUSSUTIGAA:

- Qulakteerneqassasoq Nuummi matoqqasumik inissiisarfittaassami, Herstedvesterimi paarnaarussivimmisulli katsorsartinnissamut periarfisaqarlunilu, neqerooruteqalereersimassasoq, kalaallit inissinneqarsimasut Nuummut nuunnginnerini, tassami killeqanngitsumik paarnaarussat inissiisarfimmiitinneqarnerinut tamanna qitiulluinnarmat.
- Killiligaanngitsumik paarnaarussivimmi Herstedvesterimiittut, Nuummut inissiisarfittaassamut nuunnissaat, namminneq piumassutsimik pissasoq, inissinneqarsimasullu pinngitsaalineqassanngitsut.

PINERLUUTEQARSIMASUT PINEQAATISSINNEQARTARNERAT

Misissuinerit nutaanerpaat takutippaat, (Flemming Balvig ‘Pinerluttarneq aamma naapertuilluarnermik ilisimasaqarneq – Kalaallit Nunaanni’ 2015), Kalaallit Nunaanni innuttaasut amerlanerpaat isumaqartut, inatsisinik unioqqutitsiner-nut atatillugu pingaarnertut tunngaviusoq tassaasariaqartoq, pinerlussimasunut kinguneqartitsinermi, pinerlussimasut ataasiakkaat pinerloqqinnginnissaannut ikiorserneqarlutillu tapersorsorneqartariaqartut.

Taamatut isumaqarneq Kalaallit Nunaanni inissiisarfinnut inissiiginnartarnermut sanilliutissagaanni tulluanngilaq – ingammik soorlu siusinnerusukkut oqaatigi-neqartoq, Kalaallit Nunaanni inissiisarfiiit annertunerujartortumik paarnaarussivittut matoqqasutut atuleriartuinnarneri eqqarsaatigalugit. Taamaammat suleqatigiisitap naliliinera malillugu, nammineersinnaajunnaartitsineq kisiat pinnagu periarfissamik allamik annertuumik pisariaqartitsisoqarpoq, tassalu killilimmik nammineersinnaanissamut pineqaatissiisarnissaq.

EQQARTUUSSISUT SIUNNERSUISOOQATIGIIT SULEQATIGIISITAASA INNER-SUUSSUTIGAAT:

- Kalaallit Nunaanni elektroniskimik singernikkut nalunaarsummik assigisaanilluunniit atuisoqarsinnaalissasoq.
- Pineqaatissinnejarsermut atatillugu annertunerusumik inuiaqatigiinni kifartuussineq atorneqalissasoq.
- Kalaallit Nunaanni aaqqiagiinngittooqartillugu isumaqatigiisitsiniartartussamik isumalioqatigiisitaqalissasoq.

INATSISIT INATSISINILLU ATUUTSITSINEQ

Inatsisit, inatsisillu atuutsinneqarnissaanut tunngasut nalinginnaasumik Kalaallit Nunaanni pissarsiariuminaaqaat.

Pingaernerpaatut najoqqutarineqarpoq inatsisinut nalunaarusiortoqartannginnisa – tassa imaappoq, inatsit tunngavigineqartoq, kingusinnerusukkullu inatsisip allannguutia ataatsimoortinneqarlutik – namminersorluni inatsisini. Inatsimmut akuerineqarsimasumut allannguutissanik arlalinnik peqarsimagaangat, paasiniarsaralugu inatsit suna pineqartumut sumut atuuttuunersoq piffissaajarnartaqa-aq ilungersunarlunilu – aamma inatsisilerituunut.

Immikkut unammilligassaq alla tassa inatsit naalagaaffeqatigiinnerup iluani atuus-simagaangat, Kalaallit Nunaannilu kunngip peqqusineratigut atuutilersimalluni. Inatsimmi taamaattumi Kalaallit Nunaanni immikkut ittumik pissutsit pissutigalugit qallunaat inatsisaanniit allanngortinneqarsimasumi, inatsit oqaaseqaatitaqarneq ajorpoq. Taamaattoqartillugu inatsimmik atuiniartup takusinnaaneq ajorpaa, inatsisip allangortissimaneranut patsisaasoq sunaanersoq. Justitsministeriali oqaase-qammiik allagaqartarpooq, allannguutit patsisaasullu pillugit, kisianni oqaaseqaat inatsisinik suliaqarnermi ilaatinneqartussatut piumasaqataanngilaq.

Aammattaaq Kalaallit Nunaanni pisortatigoortumik eqqartuussinermi aalajangi-ussanut qarasaasiatigut databasemik katersuveqanngilaq. Politiiit eqqartuussivillu namminneq pisortatiguunngitsunik eqqartuussinermi aalajangiussanik kartersateqarput, kisianni soorlu illersuisut akuerisaasut imaluunniit innuttaasut nalinginnaasut eqqartuussinermi suliaasimasunik takunnissinaanngillat. Danmarkimi aalajangertoqarsimavoq eqqartuussinernut atatillugu databaseqalissasoq. Qarasaasiatigut inissisimaneq pissutigalugu, maannakkuugallartoq databasemut Kalaallit Nunaanni eqqartuussutit ilangunneqarnissaat pilersaarutaanngilaq.

Pissutsit taamaanneri suleqatigiisitap isumaa malillugu, inatsisitigut isumannaatsumik ingerlaniarnermi unammillernartuupput, tassami inatsisinik, taakkuninn-galu atuutsitsinissamik ilisimasaqarnissaq tunngaviulluinnarmat, inuiaqatigiit inatsisinik atuilluassappata. Tamanna immikkut Kalaallit Nunaanni isigisariaqarpoq inuinnaat inatsisitigut illersugaanerat eqqarsaatigalugu, tassami eqqartuussisoqarfinni suleqataasartut inuinnaasarmata.

EQQARTUUSSISUT SIUNNERSUISOQATIGIIT SULEQATIGIISITAASA INNER-SUSSUTIGAAT:

- Kalaallit Nunaanni inatsisiliornerup iluani, danskit inatsisiliornermi periusaat assigalugu inatsisinut nalunaarusiortoqartalissasoq.
- Naalagaaffimmi oqartussaasut, naalagaaffiup iluani Kalaallit Nunaannut tunngasunik inatsisink allannguisoqartillugu, oqaaseqaatinik avammut saqqumiussisassasut.
- Danmarkimisulli Kalaallit Nunaanni eqqartuussinerni eqqartuussutit qarasaa-siatigut databasemik pilersitsisoqassasoq imaluunniit Kalaallit Nunaanni eqqartuussivinni eqqartuussutit danskit databaseqarfiani pigineqalissasut.

Qulaani taaneqartut ilaatigut pissutigalugit, attuumassuteqartut ilaasa tikkuar-paat, kalaallit inuaqatigijit inatsisit malillugit pisinnaatitaaffitsik ilisimakkajunneq ajoraaat.

Aammattaaq maluginiarneqarpoq, ingerlatsivinni arlalinniit innuttaasut pisinnaa-titaaffi pillugit pisarialimmik siunnersuisoqarneq ajortoq.

Suleqatigiisitaq isumaqarpoq, Inatsisitigut Ikorsiisarfik Imminut Pigisoq IKIU imaa-nnaanngitsumik suliaqartoq, sulanut ataasiakkaanut atatillugu akeqanngitsumik inatsisitigut siunnersuiinnarani, aammali Kalaallit Nunaanni innuttaasut ataa-tsimum isigalugit pisinnaatitaaffiinik siunnersuisarnergut. Taama suliaqarneq Nuummi allaffimmiit aamma Kalaallit Nunaanni sumiiffinnut assigiinngitsunut angalasarnikkut ingerlanneqartarpooq. Suliap annersaa nammineq piumassutsi-mik ingerlanneqartarpooq, eqqartuussissuserisut inatsisilerituullu akissarsiaqara-tik sulisarput, kisianni IKIU inatsisitigut ikorsiisarnergik allaffeqarfia, sulisullu Kalaallit Nunaanni angalasarnerisa aningaasalersornissaat ajornakusoortinnejnar-poq.

EQQARTUUSSISUT SIUNNERSUISOQATIGIIT SULEQATIGIISITAASA INNER-SUSSUTIGAAT:

- Inatsisitigut Ikorsiisarfik Imminut Pigisoq IKIU aningaasaliiffigineqassasoq, taamaalilluni IKIU Kalaallit Nunaat tamakkerlugu innuttaasut inatsisitigut ikiorserlugillu siunnersorsinnaaniassammag.

Ukiut arllallit ingerlanerini danskit inatsisaat kunngimit peqqusinertallit Kalaallit Nunaannut atuutsilernissaat kinguaattoorutigineqartarpooq. Taama kinguaattor-nerup kingunerisarpaa, Kalaallit Nunaanni inatsisit ilaasa ilaatigut naleqqukkun-naartarneri aamma ataasiakkaatigut qanganitsertarneri.

Tamatumunnga ilaatigut pissutaavoq naalagaaffimmi oqartussaasut suliamik pingoartitsinngippallaarsimancerat.

Eqqartuussisut siunnersuisoqatigiit suleqatigiisitaata iluaralugu maluginiarpaa, Justitsministeriap tassunga tunngasut pingoartinneruniarlugit Nunanut avannarlernut immikkoortortamik pilersitsisimasoq, tassani suliarineqassallutik Justitsministeriap Kalaallit Nunaannut, Savalimmiunullu tunngasuni inatsisiliornissaa. Apeqqutaavorli aningaasat naammattut immikkoortinnejqarsimanersut, pineqartumi kinguaattoorutit naammassiniarnissaat eqqarsaatigalugu.

EQQARTUUSSISUT SIUNNERSUISOQATIGIIT SULEQATIGIISITAASA INNER-SUUSSUTIGAAT:

- Naalagaaffimmi oqartussaasut qulakkiissagaat, aningaasaliissutit taamaallaat Kalaallit Nunaanni inatsisit nutaat atuutilernerannut atugassiaanatik, aammali kinguaattoorutinut ukiuni arlalinni amerligaluttuinnarsimasunut suliarinninnissamut naammassasut.

